

2018. Ordenantza fiskalak. Behin betiko onarpena 2017ko abenduaren 22an izandako Bermeoko Udaleko Osoko Bilkuran BAO 2017/12/29. 247. zk., 6. zatia. Akats zuzenketak BAO 2018/01/24. 17 zk.

ORDENANTZA FISKALA, HERRI ERABILERAKO LURRAK MERKANTZIA, ERAIKUNTZAKO MATERIAL, OBRA HONDAKIN, HESI, ESKORA, ALDAMINO ETA ANTZEKO INSTALAZINOAKAZ OKUPATZEAGAITIK ORDAINDU BEHARREKO TASEA ARAUTZEN DAUENA

1. artikulua: KONTZEPTUA.

Tokiko Araubidearen Oinarriak arautzen dauzan apirilaren 28ko 7/1985 legearen 106. artikulua emondako ahalmenak erabilteko eta Tokiko Ogasunen bagilaren 30eko 5/89 Foru Arauaren 15-18. artikuluetan ezarritakoagaz bat etorruta, herri jabariaren erabilera pribatiboaren edo aprobetxamendu bereziaren tasea ezarri da, herri erabilerako lurra merkantziakaz, eraikuntzako materialaz, hesiakaz, eskorakaz, aldaminoakaz eta antzeko instalazioakaz hartzeak dakarrena hain zuzen be. Tasa hori ordenantza fiskal honek eraenduko dau, eta haren arauak Foru Arau horren 20. artikuluan eta hurrengoetan ezarritakoa bete beharko dabe.

2. artikulua: ZERGA EGITATEA.

Herri jabariko erabilera pribatiboa edo aprobetxamendu berezia gauzatzea da zerga egitatea.

3. artikulua: SUBJEKTU PASIBOA.

Zergadun lez subjektu pasiboak dira lizentziak edo emakidak jasoten dituen pertsonak edo erakundeak, edo aprobetxamenduaren onuradunak, baimen egokirik barik gauzatu badira.

4. artikulua: SORTZAPENA.

1.- Ordenantza honetan araututako tasea ordaindu beharra sortuko da:

- a) Bide publikoko aprobetxamendu barrien emakidak diranean, lizentzia eskatzen dan momentuan.
- b) Baimendutako eta luzatutako emakidak diranean, seihileko naturalaren lehen egunean.

5. artikulua: TASA KUOTEA.

1. Tasa kuotea okupaturiko eremuari hurrengo ataleko tarifak aplikatzearen emoitza kopurua izango da, aprobetxamendua izan dan kalearen edo aldearen arabera.
2. Tasa kuotea tarifetan ezarritako eremuaren eta denborearen arabera murriztu ahal izango da.
3. **Tarifak:** tarifak m²ko edo zatika ezarri dira:

-1. aldea	17,32 €
-2. aldea.....	12,74 €
-3. aldea.....	8,25 €
-4. aldea.....	6,94 €
-5. aldea.....	5,52 €
-6. aldea.....	4,23 €
-7. aldea.....	3,65 €
-8. aldea.....	2,40 €
-9. aldea.....	2,27 €
-10. aldea.....	1,82 €
-11. aldea.....	1,35 €
-12. aldea.....	0,73 €
-13. aldea.....	0,23 €

6. artikulua: KUDEAKETA ARAUAK

1. Tokiko Ogasunen 5/89 Foru Arauaren 24.5. artikuluan ezarritakoagaz bat etorrira, ordenantza honetan araututako aprobetxamenduetan herri bidearen zolaketan edo instalazioetan kalteak gertatzen badira, lizentziaren titularrek edo ordainketea egin behar dabenek kalte horreek konpontzeko gastuak ordaindu behar izango ditue. Gastuok, edozelan be, eginiko aprobetxamenduengatik kitaturiko eskubideetatik aparte izango dira.

Tarifaren arabera eskatzekoak diran kopuruak eskatutako edo eginiko aprobetxamenduaren arabera kitatuko dira, eta epigrafeetan ezarritako alde naturalen arabera murriztu ahal izango dira.

Ordenantza honetan araututako aprobetxamenduen emakidan interesa daukienez lizentzia eskatu beharko dabe alde aurretik.

Aprobetxamenduaren iraupen zehatza finkatu ez bada okupazioa onetsita, okupazioa luzatu dala ulertuko da baja aurkezten ez dan bitartean.

Bajea aurkezteak hurrengo urteko naturalaren lehen egunetik aurrera izango ditu ondorioak. Horren kontra alegatutako arrazoa edozein dala be, baja ez aurkezteak tasea ordaintzen jarraitzea ekarriko dau.

7. Artikulua: Hobariak

2013ko apirilaren 11ko sutean kaltetutako higiezinak zaharberritzeko, birgaitzeko edo eraikitzeko obrei lotutako herri jabariaren okupazioek % 100eko hobaria eukiko dabe.

Obra lizentzia eskariagaz batera eskatu ahal izango dabe hobaria, beti be, kaltetua izanaren ziurtagiria aurkeztuta

AZKEN XEDAPENA

Ordenantza hau behin betiko onetsi eban Udaltzaker 2000ko urriaren 26an egindako Osoko Bilkuran, eta haren aldaketak 2000ko abenduaren 30ean argitaratu ziran BAOren 251. alean. Halanda ze, 2001/01/01ean sartu zan indarrean eta indarrean jarraituko dau harik eta beren beregi aldatu edo indarrrik barik itxi arte.